



XUNTA DE GALICIA

CONSELLERÍA DE
EMPREGO E IGUALDADE

Xefatura Territorial de Pontevedra - Sede Vigo
Servizo de Formación e Colocación



UNIÓN EUROPEA

BASES DO PROCESO SELECCIÓN DO ALUMNADO TRABALLADOR PARTICIPANTE NO OBRADOIRO DE EMPREGO MOAÑA MOZA II

Primeira.- OBXECTO.

Estas bases teñen como finalidade, de conformidade co previsto nos artigos 2º, 10 e 11º da Orde do 31 de decembro de 2020 da Consellería de Emprego e Igualdade pola que se establecen as bases reguladoras das axudas e subvencións para os **obradoiros de emprego dirixidos a persoas mozas incluídas no ficheiro do Sistema nacional de garantía xuvenil**, no ámbito da Comunidade Autónoma de Galicia, e se procede á súa convocatoria para o ano 2021 (DOG 02-02-2021), a determinación do sistema, procedemento, requisitos e baremos das probas que se aplicarán no proceso de selección do alumnado traballador participante no citado proxecto, promovido polo Patronato Municipal Beiramar, organismo autónomo de formación e emprego do concello de Moaña e subvencionado pola citada consellería.

As prazas de alumnado traballador que se convocan son:

8-prazas para a especialidade de **TEMPO LIBRE EDUCATIVO INFANTIL E XUVENIL -Nivel 2**

Esta especialidade inclúe tres certificados de profesionalidade:

- Información xuvenil SSCE0109
- Dinamización de actividades de tempo libre educativo infantil e xuvenil SSCB0209
- Dirección e coordinación de actividades de tempo libre educativo. SSCB0211

8-prazas para a especialidade de **ORGANIZACIÓN E XESTIÓN DE EVENTOS -Nivel 3**

Esta especialidade inclúe dous certificados de profesionalidade:

- Dinamización, programación e desenvolvemento de accións culturais. SSCB0110
- Animación físico deportiva e recreativa. AFDA0211

Segunda.- OBRIGAS DAS PERSOAS SELECCIONADAS.

- Asistir e seguir con aproveitamento as ensinanzas teórico-prácticas.
- Respetar as normas de réxime interior establecidas polos órganos colexiados ou unipersoais do obradoiro de emprego legalmente constituídos.
- Aceptar o posto de traballo que a través do obradoiro de emprego se lle poida xestionar.

Terceira.-RELACIÓN XURÍDICA DO ALUMNADO TRABALLADOR PARTICIPANTE CO PATRONATO MUNICIPAL BEIRAMAR

1. Desde o inicio da súa participación no obradoiro de emprego, o alumnado traballador seleccionado será contratado pola entidade promotora na modalidade de contrato para a formación e aprendizaxe.
2. Os contratos de traballo serán a xornada completa e non poderá exceder a data de remate do obradoiro de emprego. O proxecto terá unha duración de 12 meses.
3. O alumnado traballador participante percibirá un salario de 1.108,33 euros brutos ao mes.

Cuarta.-REQUISITOS DAS PERSOAS ASPIRANTES.

a) REQUISITOS XERAIS:

- 1. Terán preferencia as persoas aspirantes que non teñan participado noutro obradoiro de emprego.**
2. Deberán posuír a capacidade funcional así como a capacidade física para o normal aprendizaxe das ensinanzas a impartir con ocasión do desenvolvemento do proxecto formativo.
3. **Adaptabilidade** á oferta dos postos que se van desempeñar.

b) REQUISITOS MÍNIMOS:

1. Persoas mozas de dezoito ou máis anos que non superen a idade máxima que estableza a normativa vixente no momento da selección do alumnado, inscritas e en situación de beneficiarias no ficheiro do Sistema nacional de garantía xuvenil no ámbito da Comunidade Autónoma de Galicia.

Ademais deberán manter o cumprimento dos requisitos exixidos na Lei 18/2014 modificada polo Real Decreto-lei 6/2016 do 23 de decembro, con carácter previo a participar nos obradoiros de emprego.

2. Cumprir os requisitos establecidos na normativa reguladora do contrato para a formación e aprendizaxe, co obxecto de ter vinculación mediante un contrato de tales características ao obradoiro de emprego, desde a súa incorporación ao proxecto, en aplicación do previsto no artigo 11.2 e na disposición adicional segunda do Real decreto legislativo 2/2015, do 23 de outubro, polo que se aproba o texto refundido da Lei do Estatuto dos traballadores.



XUNTA DE GALICIA

CONSELLERÍA DE
EMPREGO E IGUALDADE

Xefatura Territorial de Pontevedra - Sede Vigo
Servizo de Formación e Colocación



UNIÓN EUROPEA

3. Cando a formación a impartir no proxecto vaia dirixida á obtención de certificados de profesionalidade de **nivel de cualificación 2 ou 3**, **as persoas candidatas deberán cumprir os requisitos de acceso sinalados nos reais decretos que regulan os ditos certificados.**

No caso da especialidade de TEMPO LIBRE EDUCATIVO INFANTIL E XUVENIL -Nivel 2- será requisito necesario estar en posesión dalgunha das seguintes titulacións: Titulación en Educación Secundaria Obrigatoria, Formación Profesional Básica, proba de acceso a ciclo medio de formación profesional, formación profesional de primeiro grao ou titulacións equivalentes, competencias clave de nivel 2, Certificado de profesionalidade de nivel 1 da mesma familia.

No caso da especialidade de ORGANIZACIÓN E XESTIÓN DE EVENTOS - Nivel 3- será requisito necesario estar en posesión dalgunha das seguintes titulacións: Bacharelato, formación profesional de segundo grao, ciclo medio ou superior de formación profesional, proba de acceso a universidade ou a formación profesional ou titulacións equivalentes, ou ben certificado de profesionalidade de nivel 2 da mesma familia.

NOTA: Terán prioridade absoluta as mulleres vítimas de violencia doméstica, incorporadas e beneficiarias **do programa de fomento de inserción laboral de mulleres vítimas de violencia**, debidamente xustificada (Orde do 2 de maio de 2006-DOG do 10 de maio de 2006).

d) CAUSAS DE EXCLUSIÓN:

1. Incumprir os requisitos mínimos
2. Falta de documentación acreditativa.
3. Falsear os datos da solicitude (cuestionario).
4. A expulsión doutro programa de formación en alternancia co emprego.
5. Posuír **xa a formación a impartir no obradoiro de emprego, total ou parcialmente.**

Quinta.- SISTEMA DE ADMISIÓN: OFERTA DE EMPREGO TRAMITADA Á OFICINA DE EMPREGO.

1. So serán admitidas ao proceso de selección de alumnado as persoas candidatas remitidas polo Servizo Galego de Colocación, de acordo co establecido pola normativa reguladora de obradoiros de emprego para persoas mozas. A estes efectos o Patronato Municipal Beiramar tramitará a correspondente OFERTA DE EMPREGO ante a oficina de emprego de Cangas.

a) **ÁMBITO XEOGRÁFICO:** Concello de Moaña. De non atoparse candidatos suficientes (tres por posto), ampliarase a sondaxe, cos mesmos requisitos, aos concellos limítrofes, dando prioridade a aqueles concellos que non teñan proxectos de obradoiros de emprego.

b) **REQUISITOS ALUMNOS:** os requisitos establecidos na base cuarta.

c) Número de candidatos a remitir: **3 por posto**, cun nivel profesional de **PEÓN, AXUDANTE OU OFICIAL DE 3ª**.

Terán preferencia aqueles/as aspirantes que non teñan participado noutro obradoiro de emprego.

2. Realizada a sondaxe, a oficina de emprego comunicará ós candidatos a data e lugar no que deberán comparecer para realizar a SOLICITUDE, e a achega **imprescindible** dos seguintes **documentos**:

- Fotocopia do DNI actualizado.**
- Vida Laboral actualizada (aínda que non teña experiencia laboral).**
- Acreditación da maior Titulación académica adquirida.**
- Se é o caso, acreditación das Competencias Clave adquiridas .**
- Se é o caso, acreditación do grao e tipo de discapacidade.**

As **SOLICITUDES** realizaranse o **día indicado**, tendo que presentar nese momento **imprescindiblemente** a documentación necesaria para acreditar os requisitos, sendo motivo de exclusión a falta de dita documentación.

O tribunal de selección valorará tódalas solicitudes e documentación presentada e publicará a listaxe de persoas admitidas ao proceso selectivo e as valoracións de méritos no taboleiro e sede electrónica do Concello de Moaña e no taboleiro do Patronato Municipal Beiramar e da oficina de emprego.

Sexta.- SISTEMA DE SELECCIÓN.

Serán admitidas ao proceso selectivo as persoas candidatas, enviadas pola oficina de emprego, que realicen a solicitude e cumpran cos requisitos establecidos nestas bases reguladoras do proceso de selección.

O sistema de selección consistirá na valoración das circunstancias persoais e profesionais das persoas candidatas, así como na valoración do seu interese por participar e a relación do seu perfil e obxectos profesionais coa formación que o proxecto ofrece. A valoración realizarase por medio dun baremo publicado como ANEXO I a estas bases. A puntuación máxima correspondente ao baremo será **de 15 puntos**.

As puntuacións provisionais publicaranse no taboleiro e sede electrónica do Patronato Municipal Beiramar e do Concello de Moaña e tamén no taboleiro da oficina de emprego.

Nesta relación figurarán os días que se concede para formular **alegacións á valoración segundo o baremo** e data de exposición da relación definitiva do proceso de selección.



XUNTA DE GALICIA

CONSELLERÍA DE
EMPREGO E IGUALDADE

Xefatura Territorial de Pontevedra - Sede Vigo
Servizo de Formación e Colocación



UNIÓN EUROPEA

Sétima.- VALORACIÓN FINAL.

1. Finalizadas as referidas actividades selectivas, o tribunal de selección na correspondente sesión, procederá á súa cualificación final (titular da especialidade / suplente / non seleccionado/ non presentado). Da sesión estenderase a correspondente acta de selección.

2. A relación das persoas admitidas e excluídas para participar no obradoiro de emprego como persoal traballador beneficiario do proxecto, coa indicación das especialidades formativas ás que son adscritos será exposta no taboleiro e sede electrónica do Concello de Moaña e do Patronato Municipal Beiramar e no taboleiro da oficina de emprego na que foi realizada a sondaxe.

Oitava.- CRITERIOS PARA DIRIMIR EMPATES.

Os criterios para dirimir os empates, no proceso de selección dos participantes no proxecto formativo como alumnos-traballadores, serán:

1. Non ter participado con anterioridade nun obradoiro de emprego.
2. Ter maior idade.
3. Ter o menor nivel académico.
4. Ter a menor experiencia laboral.

Novena.- LISTA DE RESERVA.

1. Esta lista empregárase para cubrir as vacantes que se produzan unha vez iniciada a prestación da actividade polos inicialmente seleccionados.

2. No suposto de que a lista de reserva se esgotase ou que ningún dos seus integrantes estivera dispoñible para a súa incorporación ao proxecto formativo, procederase a iniciar un novo procedemento selectivo.

Décima.- Publicidade.

As presentes bases do proceso selectivo, así como as listaxes de resultados de cada unha das fases do proceso serán publicadas na sede electrónica do Concello de Moaña e taboleiros de anuncios do Patronato Municipal Beiramar e do Concello de Moaña.

Décimo primeira.- INCIDENCIAS E RECLAMACIÓNS.

As bases da convocatoria e cantos actos administrativos deriven delas e das actuacións do Tribunal poderán ser impugnadas nos casos e na forma establecida pola Lei 39/2015, do 1 de outubro, do Procedemento Administrativo Común das Administracións Públicas, así como a Lei 29/98, do 13 de xullo, reguladora da xurisdición contencioso administrativa.

A Administración local tamén poderá, se é o caso, revisar as resolucións do Tribunal segundo o previsto na citada Lei 39/2015.

Décimo segunda.- TRIBUNAL CUALIFICADOR.

A composición do tribunal cualificador axustarase en todo caso ao establecido no Real Decreto Lexislativo 5/2015, do 30 de outubro, polo que se aproba o texto refundido da Lei do estatuto básico do empregado público, na Lei 2/2015, do 29 de abril, do emprego público de Galicia e na demais lexislación de aplicación aos procesos de selección de persoal na administración local.

O tribunal estará constituído por un número impar de membros, non inferior a cinco, co mesmo número de membros suplentes. As persoas membros do tribunal serán designadas mediante decreto da alcaldía.

Décimo terceira: PRAZOS.

Prazo de presentación de solicitudes: Día 23 de xullo.

Listaxe provisional de persoas admitidas e valoración provisional de méritos: Día 30 de xullo.

Alegacións á listaxe de persoas admitidas e valoración provisional de méritos: día 2 de agosto

Publicación dos resultados definitivos do proceso selectivo: Día 3 de agosto.

ANEXO I

BAREMO SELECCIÓN ALUMNADO DO OBRADOIRO DE EMPREGO MOAÑA MOZA II

CRITERIOS		PUNTOS
Discapacidade \geq 33% (Sempre que poidan realizar os traballos)		1,00
Idade	De 18 ata 20 anos	0,50
	De 21 ata 22 anos	1,00
	De 23 ata 24 anos	1,50
	De 25 ata < 30 anos	2,00
Experiencia laboral (Segundo vida laboral actualizada)	Ningunha	2,00
	Ata 12 meses	1,00
	> 12 meses	0,50
Nivel de Formación Académica	Baixa (que non posúan un carne profesional, certificado de profesionalidade de nivel 2 ou 3, título de F.P.)	2,00
	Media (que posúan un carne profesional, certificado de profesionalidade de nivel 2, FP ciclo medio ou Bacherelato)	1,00
	Alta (que posúan certificado de profesionalidade de nivel 3, título de FP de ciclo superior ou titulación universitaria)	0,50
Participación en obradoiros	A non participación noutro obradoiro de emprego	3,00
Adecuación do perfil ao proxecto de OE	Adecución do perfil profesional ou académico da persoa candidata á oferta formativa do Obradoiro de emprego. Baixa... 1 Media... 2 Alta... 3	
Interese	Interese da persoa candidata por participar no proxecto de Obradoiro de emprego. Baixo... 1 Medio... 1,5 Alto... 2	

PUNTUACIÓN TOTAL (Máximo 15 puntos)

- De non aportar documentación non será valorado o apartado correspondente



XUNTA DE GALICIA

CONSELLERÍA DE
EMPREGO E IGUALDADE

Xefatura Territorial de Pontevedra - Sede Vigo
Servizo de Formación e Colocación



UNIÓN EUROPEA

SOLICITUDE DE PARTICIPACIÓN DO ALUMNADO-TRABALLADOR DO OBRADOIRO EMPREGO MOAÑA MOZA II

Apelidos _____ Nome _____

DNI _____ Data nacemento _____ idade _____ Teléfono _____

Enderezo _____ Nº _____ Piso _____ Concello _____ C.P. _____

-FORMACIÓN ACADÉMICA. Indica a titulación que posúes na actualidade:

- Certificado de estudos primarios - Graduado escolar - ESO sen aprobar

- Graduado en ESO - FP1 ou Ciclo medio de

- BUP.....COU Bacharelato

- FP2 ou Ciclo superior de.....

- Proba Acceso: -CM.....-CS.....

- Proba de Acceso á universidade para maiores de 25 anos:.....

- Diplomado - Licenciado - Grao.....

Realiza estudos na actualidade ? Cáles ?.....

- COMPETENCIAS CLAVE establecidas para os Certificados de Profesionalidade?

-Competencia Matemática.....Nivel 2.....Nivel 3.....

-Comunicación en Lingua Castelá.....Nivel 2.....Nivel 3.....

-Comunicación en Lingua Galega..... Nivel 2.....Nivel 3.....

-Comunicación en Lingua Estranxeira (Inglés).....Nivel 2.....Nivel 3.....

NIVEL DE LINGUA GALEGA: Celga 2, Celga Celga Inic Perfe

-CURSOS DE FORMACIÓN OCUPACIONAL REALIZADOS (Inem, Xunta Galicia).

- Centro.....Curso.....Duración.....meses, ano

- Centro.....Curso.....Duración.....meses, ano

-Foi ALUMNO dalgunha Escola Obradoiro, Casa de Oficios ou Obradoiro de Emprego?

- NO
- SI: Esc

- ASINOU ALGÚN CONTRATO DE APRENDIZAXE-FORMACIÓN?.....

-TEN PLANIFICADO ALGÚN ITINERARIO PROFESIONAL DE INSERCIÓN?.....

En caso afirmativo, ¿Está prevista a realización dun obradoiro de emprego no seu itinerario?..... **Especialidade?**.....

-PERTENCE ALGÚN COLECTIVO DESFAVORECIDO OU EN RISCO DE EXCLUSIÓN SOCIAL?

.....(En caso afirmativo, terá que acreditarlo)



XUNTA DE GALICIA

CONSELLERÍA DE
EMPREGO E IGUALDADE

Xefatura Territorial de Pontevedra - Sede Vigo
Servizo de Formación e Colocación



Patronato Municipal Beiramar
Concello de Moaña



UNIÓN EUROPEA

-POSÚE VOSTEDE ALGUNHA DISCAPACIDADE?..... INDIQUEA (En caso afirmativo, terá que acreditarlo),.....

-EXPERIENCIA PROFESIONAL. Relacione os distintos traballos realizados:

.....

.....

.....

.....

- ¿DE QUE BUSCA VOSTEDE TRABALLO?

.....

- ¿QUE FIXO PARA BUSCAR TRABALLO NO ÚLTIMO MES?

.....

-¿POR QUE LLE INTERESA PARTICIPAR NESTE PROXECTO E COMO CREE QUE PODE MELLORAR O PROXECTO A SÚA PROCURA DE EMPREGO?

.....

.....

.....

- ¿QUE ESPECIALIDADE FORMATIVA LLE INTERESA E POR QUE?

.....

.....

-¿TEN RELACIÓN COA SÚA FORMACIÓN OU COA SÚA EXPERIENCIA?

.....

.....

-¿QUE ESPERA OBTENIR COA SÚA PARTICIPACIÓN NESTE OBRADOIRO DE EMPREGO?

.....

.....

-¿POSÚE VOSTEDE ALGÚN PROBLEMA QUE LLE IMPIDA DESENVOLVER O TRABALLO CON NORMALIDADE OU CUMPRIR O HORARIO?

.....

.....

Declaro baixo a miña responsabilidade que tódolos datos anteriores son certos.

....., de de 2021

Sinatura



Xacobeo 2021